

## Sakspapir

| Saksnr | Utvalg        | Type | Dato       |
|--------|---------------|------|------------|
| 119/22 | Formannskapet | PS   | 05.12.2022 |
| 092/22 | Kommunestyret | PS   | 15.12.2022 |

| Sakshandsamar       | Arkiv  | ArkivsakID |
|---------------------|--------|------------|
| Trine Merete Jansen | FA-A22 | 22/1229    |

### Gratis 12-timers SFO for elevar på 1. trinn

#### Framlegg til vedtak:

Kommunestyret vedtek å revidere gjeldande vedtekter for SFO, ved å føye til eit avsnitt som gjeld gratis 12 timars SFO for elevar på 1. trinn. Dei nye satsane vil gjelde frå 01.01.23.

#### Formannskapet - 119/22 - 05.12.2022

#### FS - behandling:

Kommunalsjef kultur og oppvekst Trine Merete Jansen orienterte om saka, jamfør saksutgreiinga.

- Det er kommunen som definerer kva som er kjernetid og som skal vera gratis
- Legg opp til å dela dette på fem vekedagar, etter vanleg skuletid.
- På spørsmål frå Inger lise Brekke svara Jansen at gratis SFO vil kosta kommunen rundt ein million kroner i året.
- Det var spørsmål frå ordførar Per Lerøy (Ap) og Helge Dyrkolbotn (H) om justering av SFO-satsane, her viste kommunedirektør Bjørnar Fjellhaug til at satsane ikkje var justerte i fjor. Kommunalsjef Jansen viste til at SFO ikkje er sjølvfinansierande i dag, utgiftene er høgare enn inntektene frå eigendelen.
- Ordførar Per Lerøy (Ap) spurte om gratis SFO for andreklassingar frå hausten 2023, kommunedirektør Bjørnar Fjellhaug svara at det kjem inn eit punkt om at dette vil komma.

Handsaming i formannskapet:

Kommunedirektøren sitt framlegg vart samrøystes vedteke

#### FS - vedtak:

Kommunestyret vedtek å revidere gjeldande vedtekter for SFO, ved å føye til eit avsnitt som gjeld gratis 12 timars SFO for elevar på 1. trinn. Dei nye satsane vil gjelde frå 01.01.23.

## **Kommunestyret - 092/22 - 15.12.2022**

### **KS - behandling:**

Kommunalsjef Trine M. Jansen orienterte om saka, jamfør saksutgreiinga.

Monika Thorpe (Ap) spurte om kostnadene til gratis 12-timers SFO for elevar på 1. trinn, og om det er skulane som må dekkja dei reduserte inntektene når det blir innført gratis SFO.

Kommunedirektør Bjørnar Fjellhaug svara at gratis SFO for 1. klasse skal dekkast innanfor ramma for oppvekst, medan gratis SFO for 2. klasse ikkje er tatt høgde for enno. Auka inntekt frå statlege overføringar utgjer 350.000 kroner, medan kostnaden er rekna til rundt 1 million.

Kommunedirektøren skal sjå på dette i samband med revidert budsjett, for å ta høgde for at 2. klasse skal ha tilbodet frå hausten 2023.

Handsaming i kommunestyret:

Kommunedirektørens framlegg til vedtak vart samrøystes vedteke.

### **KS - vedtak:**

Kommunestyret vedtek å revidere gjeldande vedtekter for SFO, ved å føye til eit avsnitt som gjeld gratis 12 timars SFO for elevar på 1. trinn. Dei nye satsane vil gjelde frå 01.01.23.

### **Saksopplysninger:**

Stortinget vedtok i budsjettforlik desember 2021 å innføre ei moderasjonsordning med 12 timar gratis SFO per veke for alle elevar på 1. trinn som har plass i SFO. Ordninga gjeld frå skuleåret 2022/2023.

Kommunen avgjer korleis dei 12 timane skal fordelast, men det er eit krav at timane vert gitte gratis som del av eit SFO-tilbod alle dagar kommunen normalt har tilbod om SFO. Dette gjeld òg sommar-SFO og SFO på skulefrie dagar. For skuleåret 2022/2023 har ein løyst denne problemstillinga førebels, ved at alle elevar på 1. trinn har fått gratis 12 timar SFO. I tilfelle der ein har meir enn 12 timar pr. veke, har ein etter ei snittberekning, redusert den totale kostnaden tilsvarande 12 timar pr. veke.

I denne saka vil kommunedirektøren leggja fram forslag til reviderte lokale vedtekter for SFO, i samsvar med forskrift til opplæringslova § 1B-4. Forskrifta vart gjort gjeldande frå skulestart i august 2022. Ein kunne difor ikkje venta til forskrifta var vedtatt før ein innførte gratis 12 timar med SFO for alle elevar på 1. trinn.

Gjeldande satsar for SFO for elevar på 2. – 4. trinn

|                                 | 2022/2023 | 2023/2024 |
|---------------------------------|-----------|-----------|
| Sats nr. 1<br>Til og med 10 t/v | 1 770,-   | 1 780,-   |
| Sats nr. 2<br>10,5 t/v – 14 t/v | 2 480,-   | 2 490,-   |
| Sats nr. 3<br>Meir enn 14 t/v   | 3 300,-   | 3 310,-   |
| Ekstra dag                      | 285,-     | 295,-     |
| Pr. ekstra time                 | 50,-      | 50,-      |
| For sein henting pr. 15.min     | 175,-     | 175,-     |

Satsar gjeldande for SFO for elevar på 1. trinn frå 01.01.23

|                                                                                             |                                                                                                                        |        |
|---------------------------------------------------------------------------------------------|------------------------------------------------------------------------------------------------------------------------|--------|
| Gratis Kjernetid *                                                                          | 12 timar                                                                                                               | 0,-    |
| Gratis kjernetid, utvida med morgon-SFO<br>(Halvparten av sats nr.1 som utgangspunkt)       | 12 timar + 5 timar = 17 timar<br>totalt sett<br>Betaling tilsvarande 5 timar                                           | 890,-  |
| Gratis kjernetid, utvida med ettermiddag-SFO<br>(Halvparten av sats nr. 1 som utgangspunkt) | 12 timar + 5 timar/5,5 timar<br>= 17 timar/17,5 timar totalt sett<br>Betaling tilsvarande 5 timar/5,5 timar            | 890,-  |
| Gratis kjernetid utvida med morgon- og ettermiddags-SFO<br>(Sats nr. 1 som utgangspunkt)    | 12 timar + 10 timar/10,5 timar = 22 timar/22,5 timar<br>totalt sett<br>Betaling tilsvarande 10 timar/10,5 timar totalt | 1780,- |

\*Gratis kjernetid vert gitt rett etter skuleslutt med 2,5 timar måndag – torsdag og 2 timar på fredag.

Totalt sett har 1. trinn på Årås skule 0,5 time meir SFO tilbod enn Kaland skule i løpet av ei full skuleveke. Dette skuldast organisering av skuledagen og tidspunkt for skuleskyss. For likt tilbod har ein difor lagt seg på ein lik sum for dei ulike skulane, og då med utgangspunkt i satsane som gjeld for 2.- 4. trinn slik det kjem fram i tabellen over.

### Konklusjon:

Kommunestyret vedtek å revidere gjeldande vedtekter for SFO, ved å føye til eit avsnitt som gjeld gratis 12 timars SFO for elevar på 1. trinn. Dei nye satsane vil gjelde frå 01.01.23

Plan for vidare saksgang:

1. Kommunalsjef for oppvekst reviderer vedtektene SFO i tråd med det som kjem fram over

og i samsvar med forskrift til opplæringslova § 1B-4.